

Pineqaatissinneqarsimasunut maleruagassat Paasissutissallu

ILLUMI MALITTARISASSAT



Kalaallit Nunaanni Pinerluttunik Isumaginnittut
Kriminalforsorgen i Grønland

SIULEQUT

Pineqaatissinneqarsimasunut inissiisarfup suliassarai pineqaatissiinerit eqqartuussivimmi aalajangerneqartut naammassineqarnissaat.

Pinerluttunik Isumaginnittunut Pisortaqrarfiup aalajangertussaavaa pineqaatissiissut sumi naammassineqassanersoq. Sapinngisamik inissiisarfimmut najukkavit eqqaaniittumut inissinneqassaait, inissaaleqinerli peqqutigalugu pineqaatissinneqartut tamarmik najukkaminnut qanittumi inissinneqarsinnaangillat.

Quppersakkap uumap imarai paasissutissat maleruagassallu assigiinngitsut inissiisarfimmi pineqaatissinneqarnerup ingerlannerani atuuttut.

Quppersakkami akineqanngitsumik apeqqtissaqaruit pineqaatissinneqarsimasunut inissiisarfup sulisuinut saaffiginninnissannut tikilluaqqusaavutit, taakkulu aamma maleruagassat atuuttut atukkiussinnaavaat.

Ulloq:

Anstaltmi aqutsisoq:

Atuakkap imarisaa

SIULEQUT	2
INISSIISARFIMMI MALERUAGASSAT TUNNGAVIUSUT	5
NAJUGAQ.....	5
IMIGASSAQ.....	5
EQAKKAT	5
PINEQAATISSIINERUP INGERLANISSAA PILERSAARUSIORNERALU.....	5
ALLAGAATINIK TAKUNNISSINNAATITAANEQ	5
TAKKUNNERMI OQALOQATIGINEQARNEQ	5
UFFARNEQ	6
SULIFFEQARNEQ.....	6
PULAARNEQARNEQ	6
INISSIISARFIMMIINNERMUT AKILIINEQ	7
ATUAKKANIK ATORNIARTARFIK.....	7
BIILIT/SIKKILIT	7
ILLERSUIISOQ	8
IKUALLATTOORNERMI ILITSERSUUT	8
INISSIIVIMMI MALITTARISASSAT	8
ULLORMUT PISUSSAT.....	8
PILLAASINNAANEQ ASSIGISAALLU	8
PINEQAATISSINNEQARNISSAP NAATSORSORNERA.....	9
NUJALERISOQ	9
SUNNGIFFIMMI SAMMISASSAT	9
INISSIISARFIMMI ANGALAAARNEQ	9
NAMMINEQ PIGISAT	9
NAALAGIARNEQ.....	10
SILATAANI ANGALAAARNEQ.....	10
ILIUUSISSANIK PILERSAARUSIORNEQ	10
ASERORTERINEQ	10
NIUERNIARNEQ	11
MAALAAARNEQ.....	11
PISORTAQARFINNUT ATTAVEQARNEQ	11
ATTAVEQARFISSAQ.....	11
KAASARFIMMIUT	11
NAKORSAQ	11
IPERAGAANEQ.....	11

NAKORSAATIT ASSIGISAALLU	11
AANNGAJAARNIUTIT	12
INIT ISERSIMAARTARFIIT	12
TORERSAANEQ EQQIAASARNERLU	12
ANINGAASAT.....	13
ILAQUTTANUT ANINGAASANIK NUUSSISARNERIT	13
ALLAKKAT	13
IPERAGAAGALLARNEQ	13
PUJORTARNEQ.....	14
OQALOQATEQARTARNEQ	14
NAPPARSIMANEQ.....	14
ILLERSUIISOQ/OQAASEQARTARTOQ	14
OQARASUAAT	14
EQQIAATIT.....	15
TV RADIOLU	15
ERRORSINEQ	15
ANEERSINNAANEQ.....	15
MISISSORNEQARNEQ.....	17
ILINNIARTINNEQARNEQ	17
PIGAARTUP AMMASARFII	17
QINERSINEQ.....	17
INEEQQAP UFFARFIULLU SILAANNARISSARNISSAA.....	17

INISSIISARFIMMI MALERUAGASSAT TUNNGAVIUSUT

Inissiisarfimmi maleruagassani pingaarnerpaaq tassaavoq:

Sulisunik akuerineqarsimatinnani inissiisarfiup qimannissaa inertequtaavoq.

Inissiisarfimmi suliassat suliarineqarnerannut atatillugu inissiisarfimmi sulisunit innersuunneqartut malissavatit.

Unioqqutitsineq pillaatisissutigineqarsinnaavoq, pinerluttulerinermi inatsimmi unioqqutitsinerillu suliarineqartarnerat pillugu nalunaarut naapertorlugit.

Quppernemi tulliuttuni maleruagassat assigisaallu kiisalu innersuussutit naqinnerit tulleriinneri malillugit inissinneqarsimasut atuarsinnaavatit.

NAJUGAQ

Inissiisarfiiit ataasiakkaat summinnerat oqarasuataaillu uani allanneqassaaq

IMIGASSAQ

Imigassaq inissiisarfimmut nassarneqarsinnaanngilaq, tunissutisiaasinnaanngilaq, imerneqarsinnaanngilaq pigineqarsinnaananilu.

EQAKKAT

Immikkoortortani tamani eqqaaviit inissinneqarsimapput, ineeqqanilu tamani igaffeeqqanilu eqqaaveqarluni. Taakku ullut tamaasa imarneqassapput.

Sumut tamaanga eqqaasoqassanngilaq.

PINEQAATISSIINERUP INGERLANISSAA PILERSAARUSIORNERALU

Inissiisarfimmut takkunnermit ullut arfineq pingasut qaangiutsinnagit inuk attaveqaataasussaq pineqaatissinneqarnerup ingerlanissaa pillugu oqaloqatigiinnissamut neqerooruteqassaaq. Inissiisarfimmiinnissaq iperagaanerullu kingorna susoqassanersoq pillugit suleqatigiillusi pilersaarusiussaasi. Immikkoortut "iliuusissat" kiisalu "attaveqaat" ersarinnerusunik tamanna pillugu takukkit.

ALLAGAATINIK TAKUNNISSINNAATITAANEQ

Allagaatit tamangajammik takuneqarsinnaassapput, tassalu allagaatit imminermut tunngasut. Allagaatinik takusaqarniarneq pissaaq inuk attaveqaataasoq aqqutigalugu imaluunniit inissiisarfimmi sulisunut saaffiginninnikkut.

TAKKUNNERMI OQALOQATIGINEQARNEQ

Inissiisarfimmut takkunnerup kinguninngua takkunnermut atatillugu oqaloqatigiinneq ingerlanneqassaaq. Ulluinnarni pissutsit kiisalu illumi maleruagassat pillugit oqaloqatigiittoqassaaq. Oqaloqatigiinnermut atatillugu pineqaatissinneqarsimasoq nakorsamik misissorneqarnissaminik neqeroorfigineqassaaq.

UFFARNEQ

Uffarnissamut periarfissat killeqanngitsumik atorsinnaavatit. Ineeqqami kisimiittussaattillugit piffissami sumi uffarnissamut tunngatillugu sulisunut saaffiginnissinnaavutit.

SULIFFEQARNEQ

Pineqaatissinneqarsimasut tamarmik sulinissaminnut, ilinniarnissaminnut allatulluunniit akuerisaasumik sammisaqarnissaminnut pisinnaatitaaffeqlutillu pisussaataitaaffeqarput.

Inissiisarfimmiit pineqaatissinneqarsimasut takkuterlaat tamarmik inissiisarfimmiinnerminni suliaqarnissamut ilinniarnissamullu tunngasunik oqaloqatigineqassapput.

Inissiisarfimmi sulineq aallartittarpoq nalunaaqutaq 08.00 inissiisarfimmilu sulisut ilitsersuutaat naapertorlugu ingerlanneqartassalluni. Suliassat makkusinnaapput:

Tamat ornittagaasa eqqiarnissaat

Nioqqutissanik aallerneq

Eqqaavinnik imaarsineq

Silami aneertarfiit eqqiarlugillu aserfallatsaaliornissaat

Igaffimmi sulineq

Errorsisarfimmi sulineq

Illuutit aserfallatsaaliornerat

Allat

Inissiisarfimmiittutut aneersinnaatitaaleraangamvit inissiisarfiup avataani sulilernissamut periarfissaqassaait. Tamanna taamaallaat inissiisarfimmi sulisut ilitsersuinerisigut pisinnaavoq.

Taamaallaat sulisinnaavutit piffissap suliffissatut nalinginnaasup iluani. Ulluinnarni sulinermi piffissat suliffiusussat allanngorpata akuersissutigineqannginnerini inissiisarfillu isumaqatigiissuteqassaasi.

Matoqqasummiitinnearuit affarmilluunniit matoqqasumiitinnearlutit nalinginnaasumik inissiisarfiup avataani sulinissannut akuerisaanngilatit.

PULAAARNEQARNEQ

Inissiisarfimmiittutut sapaatip akunneranut minnerpaamik ataasiarlutit pulaarteqarsinnaavutit, taannalu akunnermik ataatsimik minnerpaamik sivisussuseqassaaq sapinngisamik akunnerni marlunni.

Inissiisarfimmiittut aninissaminnut akuersissuteqanngitsut akulikinnerusumik pulaarneqarsinnaassapput.

Pulaarneqarnissamut piffissat

Inissiisarfimmi pulaarteqarsinnaanerit uani allassimassapput.

Pulaarneqarnissamik inniminniineq

Pulaarneqartinnak pulaarneqarsinnaanermut sulisumut iniminniissaatit. Inissiiisarfimmit pulaartussamut piumasarineqarsinnaavoq pineqartoq pillugu paasissutissanik piniarsinnaanermut politiinit akuerineqarnissamik.

Pulaarneqarnissaq itigartitsissutigineqarsinnaavoq pulaarneqarnerup atonerlunneqarnissaa ilimagineqarpat, soorlu anngiortumik imigassamik allanilluunniit aangajaarniutinik eqqussisoqarnissaanik allanilluunniit inerteqqutaasunik.

Itigartinneqarninnut taamaallaat nalunaarfigineqassaait pularteqarnissaq itigartinneqartoq, pisunimi amerlanerpaani inissiiisarfup itigartitsinermut peqqutaasoq nipangiussimasussaavaa.

Pulaarniartut pulaarnissaminnut akuerineqarunik pulaarnissamut piffissalerneqassapput oqarasuaat una atorlugu: *inissiiisarfup normua atorlugu ulluinnarni piffissamiit xxxx.*

Inissiiisarfimmittut amerlanerpaamik inunnit pingasunit ataatsikkut pulaarneqarsinnaavutit. Pulaartut inini sulisunit innersuunneqartuniissapput.

Meeqqat pulaarsinnaapput aatsaat inersimasumik peqateqarlutik meeqqallu pulaarnissaat nalinginnaasumik pisinnaavoq angajoqqaatut akisussaasup akuersineratigut.

Pulaartut takkukkunik sulisumut saaffiginnissapput ilisarnaammik assilalimmik nittaallutik (pas, biilernermit allagartaq, assigisaalu). Ilisarnaammik atuuttumik nittaasoqarsinnaanngimmat pulaarneq itigartitsissutigineqarsinnaavoq. Pulaartut takussaasumik imigassartorsimasut, iisartagartorsimasut imaluunniit aangajaarniutinik atuisimasut ileqqorissaarnissaq sillimanissarlu peqqutigalugit pulaarnissaminnut itigartinneqarsinnaapput.

Inissiiisarfik aalajangiisinnaavoq pulaarnermi sulisumik najorteqassasoq isumannaallisaanermut atatillugu tamanna pisariaqarpat.

Pulaartut inissiiisarfimmut uumasunik nassaqqusaanngillat. Oqarasuaatit angallattakkat, pigisat inissiiisarfimmut nassaqqusaanngitsut pisisallu misissoruminaatsut inissiiisarfimmut nassaqqusaanngillat.

Pulaarnerup naammassinera

Pulaarneq naammassippat pulaartoq sulisumut saaffiginnissaaq. Pulaartut piffissap pulaarfiussap naannginnerani anisut nalinginnaasumik ulloq taanna pulaaqqinnissaminnut itigartinneqassapput.

INISSIISARFIMMIINNERMUT AKILIINEQ

Sulisaruit imaluunniit pisartanit akilernerqartarlutit nalinginnaasumik sulinermit isertitaqarlutit nerisaqarnerit najugaqarnerillu akilissavatit.

ATUAKKANIK ATORNIARTARFIK

Inissiiisarfinni tamani atuakkanik atorniarsinnaanermut/atuakkanik atorniartarfimmut ornigunnissamut periarfissat uani allassimassapput.

BIILIT/SIKKILIT

Inissiiisarfimmiittut sikkilii pineqaatissinneqarsimasunut inissiiisarfup biilnut inissiiisarfianiitinneqassapput.

Pineqaatissinneqarsimasut biili inissiisarfup eqqaani inissinneqarsinnaannngillat. Aamma taamaappoq sulitillutik biili.

ILLERSUISOQ

Inissiisarfimmiittoq suliarnut immiinnut tunngasumut soorlu maleruagassanik unioqqutitsisimanerminut tunngatillugu inummik allamik illersorneqarnissaminik pisinnaatitaaffeqarpoq. Illersuisoq tassaasinnaavoq eqqartuussissuserisoq, ilaqutaq imaluunniit inissiisarfimmeeqat. Sulisut attaveqalernissannik ikiuussinnaapput.

IKUALLATTOORNERMI ILITSERSUUT

Anisarfiit, kalerrisaarutit qamisannissamullu atortut sumiinnarsut maluginiakkit.

IKUALLATTOQARTILLUGU:

Inissiisarfup sulisui inissiisarfimmiittullu allat kalerrisaarut toorlugu kalerrickit.

Inissiisarfimmi sulisut qatserisartunik aggersaassapput.

Ikuallannermut kalerrisaarut tusaagukku ineeqqat qimassinnaagukku qimaguk. Pujornera peqqutigalugu torsuusaq (majuartarfiit) sanequassinnaangikkukkit ineeqqanniiginnarit.

Matu matoqqatiguk, parnaarnaguli. Aamma taamatut init qimakkukku.

INISSIIVIMMI MALITTARISASSAT

Ineeqqavit torersuujaannarlunilu eqqiarneqarsimanissaa illit akisussaaffigaat. Eqqiarnera torersarneralu kingusinnerpaamik nal. 09.30 naammassisimassaaq. Pisussaaffik taanna sumiginnaraanni tamanna pillarneqarnermik pinguneqarsinnaavoq. Immikkoortumi "Torersaaneq eqqiaanerlu" tamanna sukumiinerusumik atuarsinnaavat.

Ineeqqap iigaani plakatit assigisaallu nivingaqqusaannngillat. Nivingatikkusutat nivingaasuiffimmut ikkunneqassapput imaluunniit sinilernerqarlutik nivingallutik. Sulisunit akuerineqaaqqaarani ineeqqami atortut peeqqusaannngillat.

ULLORMUT PISUSSAT

Inissiisarfimmi ullormut pisussat makkuupput:

Maaniissapput inissiisarfimmi ulluinnarni pisussat

PILLAASINNAANEQ ASSIGISAALLU

Inissiisarfimmi maleruagassat ilitsersuutillu unioqqutikkukkit tamanna pillarneqarnermik kinguneqarsinnaavoq. Pillaaneq tassaasinnaavoq mianersoqqusineq, ineeqqami kisimiititaaneq, kaasarfimmiut ikilinerat, aneersinnaajunnaarneq, allamut nuunneqarneq il.il.

Avatangiisit qanoq ittuunerat aallaavigalugu aamma pingaartuuvoq kikkut tamarmik inissiisarfimmi silaannaap atoruminarnissaanut suleqataanissaat. Taamaattumik naatsorsuutigaarput kikkut tamarmik torersumik oqaloqatigiittarnissaat: Soorlu aamma naatsorsuutigisinnaagit sulisut eqqortumik suliarninnullu

naleqquttumik ilinnut kiinnertarnissaat aamma naatsorsuutigaarput illit sulisunut saaffiginninnerit torersuusassasoq.

PINEQAATISSINNEQARNISSAP NAATSORSORNERA

Pineqaatissinneqarsimasut inissiisarfianut iseqqamminermi pineqaatissinneqarnissavit naatsorsorneqarnera ilinnut tunniunneqassaaq.

Tassani aneersinnaanngornissap tungaanut iperangaagalarnissalluunniit tungaanut piffissap qanoq siviutigissanerata ullulorsorneqarneri pingaarnerit pisarput.

Ullulorsorneqarnerit aneersinnaalernissamut iperangaagallarnissamulluunniit aalajangiisuuneq ajorput, taamaallaalliuna qaqugu siusinnerpaamik tamakku pisinnaanersut missingersorneqartartoq. Iperangaagallarnissamut aneersinnaanermulluunniit tunngasut inatsisit maleruagassat malillugit ataasiakkaarlugit nalilersorneqartarput.

NUJALERISOQ

Inissiisarfimmut attuumassuteqartut uaniissapput.

SUNNGIFFIMMI SAMMISASSAT

Inissiisarfimmiittut anisinnaanermut akuerineqarsimasut periarfissaqarput inissiisarfiup avataani timersornernut assigiinngitsunut peqataanissaminnut.

Inissiisarfimmiittut pillaatisiaralugu ataatsimoornerni peqataasinnaanngitsut imaluunniit aninissaminnut akuerineqarunnaarsimasut inissiisarfiup avataani timersornermut peqataasinnaanngillat.

Inissiisarfik assigiinngitsunik spilleqarlunilu atuagaateqarpoq atorniarneqarsinnaasunik sulinut saaffiginninnikkut.

Uaniissinnaapput aamma sunngiffimmi sammisassatut neqeroorutit immikkut ittut.

INISSIISARFIMMI ANGALAAARNEQ

Sulisunit akuerineqaaqqaaratit inissiisarfik qimassinnaanngilat.

Namminneq immikkoortortaminniissaatit allamiinniaruillu tamanna siumoortumik sulisunut isumaqatigiissutigissavat.

Inunnut inissiisarfiup avataaniittunut attaveqarnissaq imaluunniit pigisanik tigusinissaq inerteqqutaavoq.

NAMMINEQ PIGISAT

Inissiisarfimmut inissinneqarnermi pineqaatissinneqarsimasooq pigisat suut nassarneqarsinnaanersut atornerqarsinnaanersullu pillugit ilitsersorneqassaatit. Inissiisarfimmiinnerup nalaani pigisat ilaat aalajangersimasut tunniunneqarsinnaassanngillat. Pigisat pillugit nalunaarummi sulisunit atorniarneqarsinnaasumi pigisat suut pineqarnerisut takusinnaavatit. Pigisat nassatatit nammineerlutit

akisussaaffigaatit, taamaattumik inissiisarfimmiinninni pigisatit tammarpata aserortapaluunniit taarsiivigineqarsinnaanngilatit.

Inissiisarfimmut inissinneqarnermi pigisanut puussiamik tunniuneqassaait, tassaniippullu inissiisarfimmiinnermi atortussat assigiinngitsut. Pigisat tunniunneqartut tamarmik illit nammineq akisussaaffigissavatit tammarpatalu illit inissiisarfimmut taarsiinissamut pisussaatinneqassaait.

Nerisassat allalluunniit inuulluarniutit pigisallu misissorneqarsinnaanngitsut inissiisarfimmut eqqunneqarsinnaanngillat.

NAALAGIARNEQ

Palasimik ilagiinniittumik imaluunniit illit upperisanneersumik oqaloqateqarnissannut pisinnaatitaaffeqarputit. Naalagiarinnaavutit inissiisarfimmit naalagiarnissaq aaqqissuunneqarpat tamannalu isumannaatsumik pisinnaalluni.

SILATAANI ANGALARNEQ

Nalingissaasumik inissiisarfimmiittut ullut tamaasa inissiisarfium eqqaani ullormut marloriarlutik akunnerup affaani aneersinnaapput taammanalu inissiisarfium aneertarfiani matoqqasumi ingerlanneqassaaq.

ILIUSSISANIK PILERSAARUSIORNEQ

Qaammatinit sisamanit sivisunerusumik inissiisarfimmiittussatut pineqaatissinneqarsimaguit iliuusissanik pilersaarusiortoqassaaq. Iliuusissanik pilersaarusiaq tassaavoq pillaatiasiavit ingerlanneqarnerani iperagaareernernilu susoqarnissaanik pilersaarusiaq.

Qaammatinit sisamanit sivikinnerusumik inissiisarfimmiittussatut pineqaatissinneqarsimaguit aamma iliuusissanik pilersaarusiortoqassaaq:

- 1) 18-it inorlugit ukioqaruit,
- 2) iperagaareernerup kingorna naammaginartunik atugaqarnissat qukalleerineqarsimanngitsutut nalilerneqarpat,
- 3) iperangaareernerup kingorna naammaginartumik pilersorneqarnissat qulakkeerineqarsimanngippat,
- 4) meeqqanik pilersuisugassaaqaruit pillaatiasiavit ingerlannerani isumaginnittoqarfimmit ikiorneqarnissaanik neqeroorfigineqarsimasunik, imaluunniit
- 5) pissutsit immikkut ittut taamaattariaqarneranik nalilerneqarpata.

Iliuusissatut pilersaarusiat kingusinnerpaamik suliarineqarsimassapput inissiisarfimmut inissinneqarnermiit sapaatit akunneri sisamat qaangiutsinnaqit

ASERORTERINEQ

Avatangiisit mianerinissat inissiisarfimmiittunut tamanut nuannaarutaavoq. Naatsorsuutigaarput illit pigisat paarilluarneranni tamanna qulakkeereqataaffigissagit, illit ineeqqanni ataatsimoorfiusartunilu.

Ingerlatsiviup pigisaanik aserorteriguit pillaatissinneqarsinnaavutit pinerluttulerineri inatsimmi § 226, normu 6 naapertorlugu soorlu aamma taarsiinermut akiliisinneqarsinnaallutit pinerluttulerineri inatsimmi § 230 imm. 1 naapertorlugu.

NIUERNIARNEQ

Inissiisarfimmi pissutsinut tunngasut uaniissapput.

MAALAEARNEQ

Inissiisarfimmi pissutsinut aalajangiinernullu tamanut maalaarnissannut periarfissaqarputit. Qinnuteqaatit itigartinneqarnerini, pillaatisinerni assigisaanilu maalaarnissamut ilitsersuut allassimasoq tunniunneqartassaaq, aamma taanna pigaartumut saaffiginnikkut pissarsiarineqarsinnaavoq.

PISORTAQARFINNUT ATTAVEQARNEQ

Pisortaqarfinni oqaloqaterqarnissannik kissaateqaruit tamanna pillugu sulisunut saaffiginnissaatit.

ATTAVEQARFISSAQ

Inissiisarfimmut takkunninni attaveqaatissannik toqqaavigineqassaait, tassaassaarlu pineqaatissinneqarnerup aaqqissuunnerani saaffigineqartartussaq. Ajornartorsiutit pilersillugit immikkut ilisimasallit aggersarneqarsinnaapput, soorlu isumaginnikkut siunnersuisartooq.

KAASARFIMMIUT

Sapaatip akuneranut ataasiarlutit nammineq kontunnit kaasarfimmiussinneqassaait. Kaasarfimmiut ulluinnarni pisariaqartitanut soorlu tupamut, kaffimut, tiimut, nuannaarniutinut, uffaatinut, oqarasuaatinut kalaaliminernullu atorneqarsinnaapput. Aamma takuuk "Aningaasat"

NAKORSAQ

Kissaatigigukku nakorsiarsinnaavutit.

IPERAGAANEQ

Pineqaatissinneqarnerup (tamakkiisup) naammassinerani iperagaasoqassaaq, imaluunniit misiligummik iperagaanikkut, pineqaatissinneqarnerup kipitinneqarnerani imaluunniit saammaanneqarnikkut.

Nalinginnaasumilli misiligummik iperagaanissaq siusinnerpaamik pisinnaavoq ullormi misiliilluni iparagaanissamut naatsorsuussami. Misiligummik iperagaaffissannut umiarsuarmik timmisartumilluunniit ilaaffissamut siullermut ilaatinneqassaait.

Iperagaaneq nalinginnaasumik ullaakkut pissaq. Immikkulli ittumik pisut soorlu ineeqqamik eqqiaaneq, atortut amigarsimappata allatigullunniit tamanna kingusinnerusukkut iperagaanermik kinguneqarsinnaavoq.

Misiligummik iperagaaninni timmisartumut ilaatinni nassatatit oqimaappallaarpata tamanna nammineq akilissavat.

Aamma takuuk "Misiliilluni iperagaaneq"

NAKORSAATIT ASSIGISAALLU

Nakorsaatinik assigisaannillu pigisaqaqqusaanngilaq.

Nakorsaatit nakorsamit innersuunneqartut inissiisarfimmi parnaartartumi toqqortarineqartarput taamaallaallu sulisunit tunniunneqarsinnaallutik nakorsap innersuussinera naapertorlugu.

Nakorsaatit suulluunniit sulisunit tunniunneqarnerisa kingunitsiaa iineqassapput.

Nakorsaatit tunniunneqartussat sulisunit tunniunneqartassapput piffissani makkunani:

maani allassimassapput inissiisarfimmut tunngasut

AANNGAJAARNIUTIT

Aanngajaarniutinik nassarneq, atuineq pigisaqarnerlu inerteqqutaallunilu unioqqutitsineruvoq. Unioqqutitsisoqartillugu pillaaasoqarsinnaavoq politiinullu nalunaartoqarluni.

INIT ISERSIMAARTARFIIT

Immikkoortortani tamani isersimaartarfeqarpoq inissiisarfimmiittunit atorneqarsinnaasunik apeqqutaalluni eqqiluissaarluni torersumillu pisinnaanersoq. Pequtit assigisaallu isersimaartarfimmiit peerneqartussaangillat.

Istersimaartarfik tv-kut antenneqarpoq.

TORERSAANEQ EQQIAASARNERLU

Istersimaartarfimmiissimaguit, iggavimmiissimaguit, uffarfimmiissimaguit, perusersarfimmiissimaguit oqarasuaateqarfimmiissimallutilluunniit torersaanissaq nammineq akisussaaffigaat. Aamma ineerarisaaq torersuullunilu eqqiarsimasuusaaq.

*Aamma immikkoortoq "Ineeqqami torersaaneq takuuk"

Immikkoortortani eqqissimasoqarlunilu torersumik ingerlasoqarnissaa naatsorsuutigineqarpoq, ilaatigut minguliortoqarani nipiliortoqaranilu. Sukkulluunniit radio tv-llu atornerani inoqatinik minerinnittoqassaaq.

Immikkoortortat igaffiini ataatsimoorfiusartunilu eqqiaaneq ulluinnarni imaattunik ilaqassaaq

- natit støvsugerneqarlutillu asanneqassapput
- nerriviit allarterneqassapput
- eqqaaviit imaarneqassapput
- nerisassat sinnikui assigisaallu nillartaatsivimmiittut iginneqassapput
- torsuusani ininilu ataatsimoorfiusartuni natit ullut tamaasa støvsugerneqarlutillu asanneqassapput
- pisariaqartillugu iikkat, matut, igalassersiit assigisaallu asanneqarlutillu eqqiarneqassapput.

Uffarfinni perusersartarfinnilu eqqiaaneq ulluinnarni imaattunik ilaqassaaq

- Anartarfiit asaffiillu eqqiarneqassapput
- natit asanneqassapput
- eqqaaviit imaarneqassapput

Pisariaqartillugu uffarfiit igaat asanneqassapput kiisalu uffarluni saagoq.

Ulluinnarni eqqiaaneq nalinginnaasumik nal. 09.00 naammassereersimassaaq

Torersaanissamik eqqiaanissamillu sulisut innersuussineranik naammassininnginneq pillaatisinermik kinguneqarsinnaavoq.

ANINGAASAT

Innissiisarfimmut iserternermi aningaaserivimmi kontossannik tunineqassaagtit. Aningaasat nassiussarsiatit, pulaartunit pissarsiatit, sulilinni ajunngitsorsiatit assigisaallu tassunga ikineqartassapput. Inissiisarfiup avataaniitillutit konto taanna nammineq aqussinnaavat. Inissiisarfimmiinninni annerpaamik sapaatit akunnerini marlunni kaasarfimmiussavit amerlaqataannik tiguisinnaavutit. Taassuminnga sippuinerit arsaarinnissutaassapput kontonnullu ikineqarlutik.

ILAQUTTANUT ANINGAASANIK NUUSSISARNERIT

Assigiinngitsunut aningaasartuuteqarusukkuit, soorlu TV-siniaruit, angallammut motorisinaruit, inigisamut innaallagissamulluunniit akiliinaruit il.il. taava inissiisarfiup taamaasiornissat aqutissiussinnaavaa. Taamaattoqassatillugu pisiassamut akiligassap allagartaa inissiisarfiup naatsorsuuserisuanut tunniutissavat, taassumalu akilerneqarnissaa isumagissavaa. Aningaasanilli aatsaat uninngasuuteqaruit tamanna pisinnaavoq.

Ilaquttat aningaasartuutaanut akiliisarneq ataavartumik pisinnaangilaq, tassami tamatigut sooq nassitsiniartoqarnersoq nassuiaassutigineqartuartaussaat.

Inissiisarfimmiit aningaasanik tigorianaannarnik ilinnut ilaquttannulluunniit tunniussisoqarfinaangilaq.

ALLAKKAT

Kimilluunniit kimilluunniillu allannissannut allagarsinissannullu pisinnaatitaaffeqarputit. Allaffissaq, allakkat puui frimærkillu nammineq akilertartussaavatit.

Anngiortumik eqqussuinissaaq pinngitsoortinniarlugu allakkat poortukkalluunniit nassiussat sulisunit ammarneqartarput.

Inatsisunik atortitsinermit ministerimut, Pinerluttunik Isumaginniffiup pisortaanut, Nunatsinni Pinerluttunik Isumaginniffimmi qullersamut, eqqartuussivinnut, eqqartuussivik immikkut maalaaruteqartarfimmut (Den Særlige Klageret), Procesbevillingsnævnumut, unnerluussisunut, politiinut, Folketingip ombudsmandianut, Inatsisartut ombudsmandianut, Folketingimi ilaasortanut, Inatsisartuni ilaasortanut, Europami inuit pisinnaatitaaffiisa eqqartuussiviannut, Europami Torturkomitémut, Nunat tamani inuit pisinnaatitaaffiisa komitéanut, Nunat tamat Torturkomitéanut, pineqaatissinneqarsimasup illersuisuanut inatsisilerituuanulluunniit pineqaatissiissutaasimasooq pillugu killilersugaanngitsumik allagaqartarsinnaatitaavutit.

Allakkat nassiussassat pigaartumut nakkutilliisumut ilineqartassapput. Inissiisarfimmi sulisut ullut tamaasa allakkanik aallerlutillu nassiussiartortarput.

IPERAGAAGALLARNEQ

Iperangaagallarneq pineqaatissiisuttip 2/3-iata ingerlareernerani (minnerpaamik qaammatit 4-t ingerlareernerini) naliginarmik pisarpoq. Piumasaqaataassaarli ineqarnissat inuussutissaqarnissallu, soorlu akissarsisarlutit pisortanilluunniit ikiorneqarlutit.

Iperagaagallarnermi pinerloqqittoqarsinnaanera nalilersorneqassaaq aalajangerneqarsinnaallunilu iperagaagallarnek makkuninnga piumasaqaatitaqarluni, soorlu:

- Pinerluttunik Isumaginnittut nakkutitineqarluni
- Imigassartoqqusaanani immaqalu imigassamut katsorsartilluni
- Aanngajaarniutunik atueqqusaannginneq immaqalu katsorsartilluni
- Sumiiffinni aalajangersimasuneeqqusaannginneq imalunniit inuit aalajangersimasut peqatigisinnaanagit

Piumasaqaatinik taakkuninnga unioqqutitsineri inissiisarfimmut utertitsisoqarsinnaavoq.

Iperagaagallarnissaq itigartinneqarsinnaavoq soorlu ukiuni kingullerni arlaleriarluni iperagaagallarsimagaani ingerlaannarlu pinerluttuliortoqaqilluni.

PUJORTARNEQ

Namineq inigisanni taamaallaallu matu matoqqatillugu pujortarsinnaavutit. Sulisunik najuuttoqartillugu pujortaqqusaanngilatit.

Inissiisarfiup aneertarfiani silami aamma pujortarsinnaavutit immaqalu inini pujortarfissiani.

Maleruagassanik unioqqutitsineq pillaatisissutaasinnaavoq.

OQALOQATEQARTARNEQ

Inissiisarfiup ittua, overvagtimesteri, anereernerme Pinerluttunik Isumaginnittunit nakkutilliisut (KIF), nakorsaq palasiluunniit oqaloqatigerusukkukkit tamanna sulisunut saaffiginnissutigissavat.

Oqaloqateqarusullutit allakkianni oqaloqateqarusunninnut suna peqqutiginerlugu naatumik tunngavilersussavat.

NAPPARSIMANEQ

Nappasimatillutit nakkutilliisumut saaffiginnissaatit, taannalu nakorsamut attaveqassaaq.

ILLERSUISOQ/OQAASEQARTARTOQ

Immikkoortortani ataasiakkaani illersuisumik/oqaaseqartartumik toqqaasoqarsinnaavoq.

Illersuisoq/oqaaseqartartuq inissiisarfimmiittut sinnerlugit sulisunut aqutsisunullu saaffiginnissinnaavoq, inissiisarfimmiittut atugaat pillugit maalaarutilluunniit pillugit. Qaammammut ataasiarlutik illersuisut/oqaaseqartartut ataatsimiittarput. Illersuisumik/oqaaseqartartumik qinersineq sulisunik nakkutigineqarluni pissaaq.

OQARASUAAT

Inissiisarfinni tamani aningaasanik nakkartitsilluni oqarasuaammik atuinissamut imaluunniit oqarasuaammik angallattakkamik attartornissamut periarfissaqarpoq.

EQQIAATIT

Eqqiaatinik nammineq nassataqangikkuit inissiisarfimmit tunineqarsinnaavutit soorlu kigutigissaatinik illaagutinillu. Allarutit inissiisarfimmut tikinnermi tunniunneqassapput.

TV RADIOLU

Ineeqqani tv-mut radiomullu antennelerfissaqarpoq aallakaatitallu killeqartut periarfissaallutik.

Inissiisarfimmit tv-mik attartornissannik periarfissaqarputit.

ERRORSINEQ

Pineqaatissinneqarsimasut Inissiisarfiata errorsiviani atisannik errorsisinnaavutit. Paasisaqarusukkuit sulisunut attaveqassaaitit.

ANEERSINNAANEQ

Aneersinnaatitaaneq tassaavoq piffissami aalajangersimasumi aalajangersimasumillu siunertaqarluni inissiisarfiup avataanut aneersinnaaneq.

Aneersinnaanermut akuerineqartinnak atonerluinermut pineqartumut tamatigut nalilersuisoqaqqaartassaaq. Aneersinnaanermut akuerineqartinnak atonerluinerup annertussusia apeqqutaasarpog. Tassa inissiisarfimmioq aneernermi nalaani ajortuliorsinnaanersoq nalilersorneqartarpoq, piumasaqaatillu aalajangersimasut malinneqartarnissaat piumasaqaataasinnaalluni.

Attaveqaatit – tassa kontaktpersonerisat – aneersinnaalernissap sivissusilerneqarnissaa sioqqutingaatsiarlugu immersuissaaq, ilaatigut aneeqqusaajunnaarnerup naanissaa, aneeqqissinnaalernissallu aallartinnissaata tungaanut immersuereersimassalluni. Aneersinnaalernissamut qinnuteqaat Pineqaatissinneqarsimasut sullissisuinit (sagsbehandlerinit) kingusinnerpaamik sapaatit akunnerat sioqqullugu eqqartorneqareersimassaaq nalilersorneqareersimassallunilu.

Sivikitsumik aneersinnaaneq atonerluinissamik ulorianartorsiunngitsutut aatsaat nalilerneqarsimagaanni pisinnaavoq. Ullukkut unnukkulluunniit aneersinnaanertut iluseqarluni akuersissut tunniunneqartassaaq. Sivikitsumik pineqaatissinneqarsimasut iperagaasimallutik orniguttut naliginnarmik sapaatit akunneri sisamat qaangiutiinnartut ullukkut aneersinnaatitaalersarput, inissiisarfimmiileqqaarnermiillu sapaatit akuner 8-ut qaangiukkaangat unnukkut aneersinnaatitaalersarlutik.

Inissiisarfimmiittut allat pineqaatissinneqarsimanerisa sivissususiisa qulerarterutaat (1/10) qaangiukkaangat aatsaat ullukkut unnukkulluunniit aneersinnaanermut akuersissut eqqartorneqarsinnaanngortarpoq, minnerpaamillu sapaatit akunnerini sisamani ullukkut aneersinnaassallutik sapaatillu akunnerini 8-ni aneersinnaatitaassallutik.

Pisuni immikkut ittuni aamma aneernissamut akuersisoqarsinnaavoq soorlu pisorta qarfinnik oqaloqatiginnikkiartorniarluni, nakorsiarniarluni/kigutilerisuliarniarluni, pisiniarniarluni il.il.

Immikkut ittunik siunertaqarluni aneernissat tamatigut immikkut nalilersorneqartassapput inissiisarfimmiittup atugai aallaavigalugit.

Aneernissamut piffisat

Ullukkut aneernissamut piffisaritinneqartoq tassaavoq arfininngornerni nal. 13.00-miit 17.00 tungaanut, sapaatinilu nal. 09.00-miit 12.00 tungaanut, kingornalu 13.00-miit 17.00 tungaanut.

Unnukkut aneernerit ataasinngornerni, pingasunngornerni, sapaatinilu pisassapput tassa nal. 18.00-miit 21.00 tungaanut.

Pingasunngornerni unnukkut aneernissaraluaq nal. 15.00-miit 18.00 tungaanut pisussangorlugu nuunneqarsinnaavoq. **Unnuleqqaarnerani** aneersinnaanissavit atornissaa kissaatigigukku pingasunngornermi aneerfissami kingusinnerpaamik nal. 09.00 tamanna pillugu sulisunut nalunaarutigissavat. **Unnuleqqaarnerani** aneersinnaanerup siunertaraa soorlu illoqarfimmi niuertarfinni tamani pisiniarnissannut periarfissaqarsinnaanerit.

Ullukkut, unnukkut kiisalu suliarbornarlutit aneersinnaanermik akuersissuteqaruit tamatuma sapaammi nalliuttunilu sivitsornissaanut qinnuteqarsinnaavutit piffissami 09.00 – 21.00.

Sivisuumik sapaatini nalliuttuniluunniit aneersinnaanermut akuersissut piniaraanni piumasaqaatit assigiinngitsut pingasut naammassisimasariaqarput. Taakkualu saniatigut ilaqquttat inissiisarfimmiumik ullormi tassani ilagisaqarusunnertik allaganngorlugu tunniussimassavaat.

Aneersinnaanermut akuersissut aatsaat tunniunneqassaaq ukua naammassisinnaagaanni:

- pinerluuteqaqqinnginnissaq
- aneerneq ima atorneqassanngilaq inatsisinik atortitsinermut akerliulluni aneernernullu siunertamut naapertuulluni
- napparsimaneq imaluunniit pinartumik allamik peqquteqarluni piffissaq eqqorlugu inissiisarfimmut uternissaq pisinnaanngippat tamatuma oqarasuaatikkut erngerluni inissiisarfimmut nalunaarutiginnissaa
- aalakoornu utinnginnissaq

Aamma allanik piumasaqaasiortoqarsinnaavoq, soorlu inuit sumiiffiilluunniit aalajangersimasut ingalassimanissaat.

Aneerneq *unnuinertalik* pisuni immikkut ittuni akuerineqarsinnaavoq soorlu:

- aneernissamut piffisat tamaasa atorsinnaagukkit, ulluunerani, unnukkut sulinermilu aneernissaq
- Misiliilluni iperagaanissannut qaammatinit pingasunit sivikinneruppat
- Unnuinertalimmik aneernissamut pissutsit immikkut ittut peqqutigalugit.

Aneernerni angallammik angalaartoqarsinnaanngilaq imaluunniit qamuteralluni, tamanna pitinnagu inissiisarfimmit allakkatigut akuerineqarsimatinnagu.

Aneernerni imerniartarfinnukartoqarsinnaanngilaq, akunnittarfinnut allanulluunniit imigassamik sassaalliiffiusunut, tamanna pitinnagu inissiisarfimmit allakkatigut akuerineqarsimannngippat.

Taamaattoq illoqarfimmi umiartortut angerlarsimaffianut pulaartoqarsinnaavoq.

Aneernermi piumasaqaatinik unioqqutitsisoqartillugu imaluunniit kingusinaarluni uterluni, takkunnani pinerluuteqarluniluunniit tamanna kingusinnerusukkat aneernermit sivikinnerulersitsinnaavoq imaluunniit piffissami aalajangersimasumi aneersinnaaneq atorunnaarsinneqarluni. Aneernermit atornerluigaanni tamanna pillaatisinermik kinguneqarsinnaavoq.

MISSORNEQARNEQ

Sukkulluunniit sulisut illit ineeqqalluunniit soqarnerseq misissuiffigisinnaavaat.

Misissorneqarneq tassaavoq ilinnik najukkannillu misissuineq paasiniarlugu sunik pigisaqarnersutit. Taamatut misissorneqareernerup kingorna sulisut misissuineq pillugu paasissutississavaatsit. Misissuineru pigisat ilaat arsaarinnissutigineqarpat tamanna pillugu allagartamik tunineqassaait kiisalu pigisat suut ineeqqannit arsaarinnissutigineqarsimanersut allattorsimaffiannik.

Misissuinerit ingerlanneqartarput aalajangersimasumik pasisaqaraanni imaluunniit tigulaaraluni misissuisoqarluni.

ILINNIARTINNEQARNEQ

Pineqaatissinneqarsimasunut inissiisarfimmi immikkut atuartitaanermik (specialklasse) assigisaanilluunniit killilimmik ingerlatsisoqarsinnaavoq. Inissiisarfimmiittup attaveqaataa (kontaktperson) aqutugalugu atuartinneqarnermut tunngassutilinnik sukumiinerusunik aallersinnaavutit.

PIGAARTUP AMMASARFII

Pisariaqartitsinerit naapertorlugu sulisumut pigaartumut saaffiginnissinnaavutit. Sulisorli nal. 08.30-miit 09.00-ip tungaanut saaffigineqarsinnaanngilaq, taamaasineranimi sulisut ataatsimiittarmata. Piffissap taamaasinerani aatsaat pinartoqartilugu saaffiginnissinnaavutit.

QINERSINEQ

Inissiisarfimmiittut Folketingimut, Inatsisartunut, kommunemullu qinersisoqartillugu allakkatigut qinersisnaatitaavutit, politikkikkullu sulineq inatsisinik unioqqutitsinerunngippat akuuffigineqarsinnaallunilu. Qinersisoqalersillugu qanoq iliortoqassanersuq immikkut nalunaarutigineqassaaq.

INEEQAP UFFARFIULLU SILAANNARISSARNISSAA

Ini isersimaarfiusartoq ullormut arlaleriarluni sualummik iteqqaarnerup kingorna sivikinnerpaamik 15 minutsikkaarlugit silaannarissarneqartassaaq.

Inimi isersimaarfiusartumi atisanik panersiinaaveersaarina. Uffarfimmilu atisanik panersiiguit taava matua matoqqatikkiuk.

Uffarnerup nalaani matu matugiuk igalaarlu ammarlugu, uffareeruillu ingerlaannaq matu ammariuk igalaakkut qilaamilu silaannarissarfikkut isugutak anianiassammat.

Uffartarfimmi silaannarissarfik milinngisaannaruk.